

Bosna i Hercegovina

Босна и Херцеговина



Sud Bosne i Hercegovine
Суд Босна и Херцеговина

Predmet broj: S1 2 K 003341 08 K (veza predmet X-K-08/581)

Datum: 02.10.2013. godine

Pred sudijom Branko Perić

PREDMET TUŽILAŠTVA BOSNE I HERCEGOVINE
protiv
Ezedina Delibašića

PRESUDA

Tužilac Tužilaštva Bosne i Hercegovine:

Gordana Bosiljčić

Branilac optuženog:

Emina Bišćević, advokat iz Sarajeva

Zapisničar:

Erna Hodžić - Čučak, stručni saradnik

Sud Bosne i Hercegovine, Sarajevo, ul. Kraljice Jelene br. 88

Telefon: 033 707 100, 707 596; Fax: 033 707 155

U IME BOSNE I HERCEGOVINE

Sud Bosne i Hercegovine, sudija Branko Perić, kao sudija pojedinac, uz sudjelovanje stručnog saradnika Erne Hodžić – Čučak, u svojstvu zapisničara, u krivičnom predmetu protiv optuženog Ezedina Delibašića zbog krivičnog djela Porezne utaje iz člana 210. stav 1. Krivičnog zakona BiH (KZ BiH), povodom optužnice Tužilaštva BiH broj: KT-249/06 od 17.09.2008. godine, koja je potvrđena dana 22.09.2008. godine, nakon održanog pretresa za razmatranje sporazuma o priznanju krivice i ročišta za izricanje krivičnopravne sankcije, u prisustvu tužioca Tužilaštva BiH Gordane Bosiljić, optuženog Ezedina Delibašića i njegove braniteljice, advokata Emine Bišćević, dana 02.10.2013. godine, donio je i javno objavio

P R E S U D U

Optuženi EZEDIN DELIBAŠIĆ, sin Mustafe i majke Fatime rođene Čizmić, rođen 08.02.1961. godine u Kaknju, po nacionalnosti..., državljanin..., oženjen, bez djece, završena SSS – IV stepen, vlasnik preduzeća "Eurobosna Eli" d.o.o. Kakanj, Željeznička br. 22, nastanjen u mjestu Kakanj, ul. Donji Kakanj bb, osuđivan.

K R I V J E

Što je:

U periodu od 04.05.2005. godine do 27.06.2005. godine kao vlasnik i osnivač „Eurobosna eli“ d.o.o. Kakanj, sa sjedištem u Kaknju u ul. Željeznička br. 22. i poreski obveznik u smislu člana 8. Zakona o porezu na promet proizvoda i usluga (Službeni glasnik BiH broj: 62/04), u namjeri da izbjegne plaćanje poreza na promet, robu nabavljenu od raznih nabavljača, ukupne vrijednosti 431.805,48 KM, prodao njemu poznatim kupcima, koji promet protivno članu 21., 24., 26. i 27. Zakona o porezu na promet proizvoda i usluga (Službeni glasnik BiH broj: 62/04), nije obračunao i prijavio, niti na isti platio porez, a da bi to prikrio na osnovu bjanko ovjerenih narudžbenica i izjava da roba služi za dalju prodaju pravnom licu „Codex Line“ d.o.o. Zenica, kroz svoje knjigovodstvo sačinjavao fiktivne račune i otpremnice, lažno prikazujući da je robu prodao i isporučio „Codex Line“ d.o.o. Zenica, da bi gotov novac od njemu poznatih kupaca za ovu robu žiralno prikazao u platnom prometu „Eurobosna Eli“ d.o.o. Kakanj, u skladu sa ovako fiktivnom sačinjenom dokumentacijom, koji gotov novac je direktno ili preko posrednika predavao vlasniku „Codex Line“ d.o.o. Zenica u cilju polaganja ovog novca i na račune „Codex Line“ d.o.o. Zenica otvorene kod IK banke Zenica i Pro Credit banke i istovremenog transferisanja ovog novca na račune „Eurobosna Eli“ d.o.o. Kakanj, na koji način je izbjegao i nije platio porez na promet proizvoda u iznosu od 43.180,55 KM,

dakle, izbjegao plaćanje davanja propisanih poreznim zakonodavstvom Bosne i Hercegovine dajući lažne podatke o činjenicama koje su od uticaja na utvrđivanje iznosa poreskih obaveza, a iznos obaveze čije je plaćanje izbjegnuto prelazi iznos od 10.000,00 KM,

čime je počinio krivično djelo Porezna utaja iz člana 210. stav 1. KZ BiH,

pa mu Sud, na osnovu članova 39., 48., 58. i 59. Krivičnog zakona BiH, **i z r i č e**:

U S L O V N U O S U D U

Kojom mu se utvrđuje kazna zatvora u trajanju **od 1 (jedne) godine** i istovremeno određuje da se ova kazna neće izvršiti ako optuženi Ezedin Delibašić u **roku od 3 (tri) godine** od dana pravosnažnosti ove presude ne poćini novo krivićno djelo.

Na osnovu člana 56. KZ BiH, u slučaju opoziva uslovne osude, optuženom će se u kaznu zatvora uraćunati vrijeme provedeno u pritvoru, i to počev od dana lišenja slobode, tj. od 23.08.2013. godine pa do dana pušćanja na slobodu, tj. do 02.10.2013. godine.

Na osnovu člana 60. KZ BiH, a u vezi sa ćlanovima 110. i 111. KZ BiH, optuženom se nalaćže da vrati imovinsku korist pribavljenu krivićnim djelom u iznosu od **43.180,55 KM** (ćetredesettrihiljadestotinuosamdest konvertibilnih maraka i pedesetpet feninga). Navedeni novćani iznos optućeni je dućzan uplatiti na raćun budćžeta BiH u roku od 6 (šest) mjeseci od dana pravosnaćžnosti presude.

U skladu sa ćlanom 63. KZ BiH, Sud će opozvati uslovnu osudu i izreći izvršenje izrećene kazne zatvora ako osućđeni u roku od 6 (šest) mjeseci ne izvrši izrećenu obavezu, odnosno ne izvrši uplatu navedenog iznosa.

Na osnovu člana 188. stav 1. Zakona o krivićnom postupku BiH, optućeni se obavezuje na naknadu trošćkova krivićnog postupka u paušalnom iznosu od 100,00 KM, koje je optućeni dućzan platiti u roku od mjesec dana od dana pravosnaćžnosti presude, pod prijetnjom prinudnog izvršenja.

O b r a z l o Ź e n j e

1. Optućžba

Tućžilašćtvo BiH je dana 17.09.2008. godine podiglo optućžnicu broj: KT-249/06 kojom je Ezedin Delibašić optućžen za poćinjenje krivićnog djela Porezne utaje iz člana 210. stav 1. KZ BiH.

Sudija za prethodno saslućšanje je dana 22.09.2008. godine potvrdio navedenu optućžnicu, te nakon što se optućženi na roćišću za izjašćenje o krivici izjasnio da nije kriv za krivićno djelo koje mu je stavljeno na teret, predmet je upućen sudiji pojedincu u svrhu zakazivanja glavnog pretresa.

2. Sporazum o priznanju krivice

Dana 27.09.2013. godine Sudu BiH dostavljen je sporazum o priznanju krivice zaključen između optuženog Ezedina Delibašića, njegove braniteljice i tužioca Tužilaštva BiH. Optuženi sporazumom priznaje krivicu za izvršenje krivičnog djela Porezne utaje iz člana 210. stav 1. KZ BiH, učinjenog na način opisan u optužnici, te prihvata da mu se za počinjenje navedenog krivičnog djela izrekne uslovna osuda kojom se utvrđuje kazna zatvora u trajanju od 1 (jedne) godine i istovremeno određuje da se ova kazna neće izvršiti ako optuženi u roku od 3 (tri) godine od dana pravosnažnosti ove presude ne počini novo krivično djelo. Takođe, optuženi je sporazumom prihvatio da vrati imovinsku korist pribavljenu krivičnim djelom u iznosu od 43.180,55 KM, koji iznos je optuženi dužan uplatiti na račun budžeta BiH u roku od 6 (šest) mjeseci od dana pravosnažnosti presude, a u suprotnom, Sud će opozvati uslovnu osudu i izreći izvršenje izrečene kazne zatvora, u skladu sa članom 63. KZ BiH. Optuženi je sporazumom prihvatio i da snosi troškove krivičnog postupka koje Sud odredi.

3. Razmatranje sporazuma o priznanju krivice

Na ročištu održanom dana 02.10.2013. godine, u smislu odredbe člana 231. Zakona o krivičnom postupku BiH, Sud je provjerio i utvrdio da je do zaključenja sporazuma došlo dobrovoljno, svjesno i sa razumijevanjem, da je optuženi upoznat sa mogućim posljedicama zaključenja sporazuma, da se time odriče prava na suđenje, da ne može uložiti žalbu na krivičnopravnu sankciju, uključujući i posljedice vezano za imovinsku korist i troškove krivičnog postupka. Razmatrajući navedeno, a nakon što je utvrdio da postoji dovoljno dokaza o krivici optuženog, Sud je prihvatio sporazum o priznanju krivice.

Optuženi je pred sudom jasno i nedvosmisleno izjavio da se osjeća krivim za djelo koje mu se optužnicom stavlja na teret, izvršeno na način i u vrijeme navedeno u optužnici, te da se za zaključenje sporazuma odlučio svjesno i svojevrijno, u skladu sa čim je i dao izjavu o priznanju krivice. Isti je pred Sudom nedvosmisleno potvrdio da je upoznat sa svim zakonskim posljedicama zaključenja sporazuma.

4. Dokazni standard

Standard "dovoljno dokaza", koji zakonodavac propisuje kao uslov za prihvatanje sporazuma, Sud je utvrdio na osnovu priznanja optuženog i dokaza navedenih u optužnici i prezentovanih od strane Tužilaštva BiH, na koje odbrana nije imala prigovora.

5. Krivična sankcija

Nakon ocjene svih činjenica i okolnosti koje su odbrana i tužilac iznijeli i obrazložili na ročištu za izricanje krivičnopravne sankcije, Sud je prihvatio sporazumom dogovorenu krivičnu sankciju.

Sud je primjenom odredaba članova 39., 48., 58. i 59. Krivičnog zakona BiH, za krivično djelo Porezna utaja iz člana 210. stav 1. KZ BiH, optuženom izrekao uslovnu osudu kojom mu je utvrdio kaznu zatvora u trajanju od 1 (jedne) godine i istovremeno odredio da se ova kazna neće izvršiti ako optuženi Ezedin Delibašić u roku od 3 (tri) godine od dana pravosnažnosti ove presude ne počini novo krivično djelo.

Odlučujući o vrsti i visini krivične sankcije, Sud je imao u vidu odredbe krivičnog zakonodavstva BiH u vrijeme počinjenja djela, koje su povoljnije za optuženog i kojima je propisano da će se počinitelj krivičnog djela iz člana 210. stav 1. KZ BiH kazniti novčanom kaznom ili kaznom zatvora do 3 (tri) godine, te olakšavajuće okolnosti, od kojih je posebno cijenio priznanje izvršenja krivičnog djela prije početka glavnog pretresa i izvođenja dokaza, što je u velikoj mjeri doprinijelo ekonomičnosti postupka. Takođe, Sud je kao posebno olakšavajuće okolnosti na strani optuženog cijenio i njegovu spremnost da izvrši povrat stečene imovinske koristi nastale izvršenjem krivičnog djela, što će u konačnici, ukoliko preuzetu obavezu optuženi ispuni, dovesti do namirenja nastale štetne posljedice. Sud je od otežavajućih okolnosti imao u vidu da je optuženi ranije osuđivan.

Sud je prihvatio kaznu predloženu sporazumom o priznanju krivice i uvjerenja je da će se izrečenom krivičnopravnom sankcijom postići svrha kažnjavanja, u smislu odredbe člana 39. KZ BiH, kao i da je sankcija adekvatna težini djela, značaju zakonom zaštićenog dobra i stepenu krivične odgovornosti optuženog.

6. Pritvor

Na osnovu člana 56. KZ BiH, u slučaju opoziva uslovne osude, optuženom će se u kaznu zatvora uračunati vrijeme provedeno u pritvoru po rješenju Suda BiH broj: S1 2 K 003341 08 K (X-K-08/581), i to počev od dana lišenja slobode, tj. od 23.08.2013. godine pa do dana puštanja na slobodu, tj. do 02.10.2013. godine.

7. Oduzimanje imovinske koristi

Odluku da od optuženog oduzme imovinsku korist pribavljenu krivičnim djelom u iznosu od 43.180,55 KM, Sud temelji na odredbama člana 110. i 111. Krivičnog zakona BiH, kojima je propisano da niko ne može zadržati imovinsku korist pribavljenu krivičnim djelom i da se oduzimanje takve koristi vrši sudskom odlukom. Sud je optuženog obavezao da u roku od 6 (šest) mjeseci od dana pravosnažnosti presude istu uplati u korist budžeta Bosne i Hercegovine, smatrajući dogovoreni rok objektivno dovoljnim vremenskim periodom da optuženi izvrši naloženu mu obavezu, uz prijetnju opozivanja uvjetne osude i izricanja izvršenja izrečene kazne, u smislu člana 63. KZ BiH.

8. Troškovi krivičnog postupka

S obzirom da se Tužilaštvo BiH izjasnilo da nije imalo posebnih troškova, Sud je, na osnovu člana 188. stav 1. ZKP BiH, obavezao optuženog na plaćanje troškova sudskog paušala u iznosu od 100,00 (stotinu) KM, koje je optuženi dužan platiti u roku od mjesec dana od dana pravosnažnosti presude, pod prijetnjom prinudnog izvršenja.

Zapisničar
Stručni saradnik
Erna Hodžić - Čučak

SUDIJA
Branko Perić

POUKA O PRAVNOM LIJEKU: Protiv ove presude nije dozvoljena žalba na izrečenu krivičnopravnu sankciju, dok se iz drugih razloga žalba može podnijeti u roku od 15 dana od dana dostavljanja pismenog otpavka presude, Apelacionom odjeljenju ovog suda. Žalba se podnosi u dovoljnom broju primjeraka.